

# გილოცავთ ახალ - 2024 წელს!



# გარეჯის მაცნა



საბარჯოს მუნიციპალიტეტის საინფორმაციო გაზეთი №23-24(301-302) 2023 წ. 1-31 დეკემბერი ფასი 2 ლარი

## ჩემო კვირვასო მოქალაქეებო, თანამემამულეო, მეგობრებო, ემიგრანტებო, გილოცავთ დამდეგ შობა-ახალ წელს!



**ბისუფრებით** მხნეობას, დღეგრძელობას, ხეავს - ბარაქას, მშვიდობიან და ბედნიერ საქართველოში ცხოვრებას. მიიწურა 2023 წელი თავისი ბევრი კარგითაც და ტკივილითაც... წლებიანი წელი გამორჩეული იყო თავისი დატვირთვითა და შედეგებით, სიკეთის ისტორიებითა და ღონისძიებებით. ვფიქრობ, რომ ამ ერთი წლის მანძილზე, მუნიციპალიტეტის მასშტაბით, მნიშვნელოვანი და სასიკეთო ძეგლები განხორციელდა როგორც ინფრასტრუქტურულ და სოციალურ, ასევე ეკონომიკის, კულტურისა და ტურიზმის სფეროში... მე და ჩემს გუნდს არ დაგვიშურებია ძალისხმევა არსებული ფინანსური რესურსის გათვალისწინებით, პროექტები პრიორიტეტების მიხედვით მაქსიმალურად გადაგვეწვლინა.

მე ამაყი ვარ, რომ ჩემი მოსახლეობის მთავარი საჭიროებების გარკვეული ნაწილი მოვაგვარეთ. მიხარია, რომ ახალი იდეებითა და გეგმებით ვხვდებით მომავალ 2024 წელს.

განემორღობ და აღვნიშნავ, რომ წელს, განსაკუთრებულად მასშტაბური იყო ჩვენი პროგრამები სხვადასხვა მიმართულებებით, დაიგო 13 490 კვადრატული მეტრის გზა რომელშიც შედის ისეთი ქუჩები, რომლებიც ათეულობით წლები მიუვალი და ამორტიზირებული იყო. სოფლებში მოეწყო დასასვენებელი და სპორტული სივრცეები, რეაბილიტაცია ჩაუტარდა სააღმშრდელო დაწესებულებებს, მრავალბინიანი საცხოვრებელ სახლებს და რაც მთავარია, წელს, გადაიტარა ყველაზე დიდი პრობლემა, სასმელი წყლის - თითქმის ყველა სოფელში უწყვეტი წყალმომარაგება და სამუშაოები კვლავ გრძელდება დარჩენილ მონაკვეთებზე.

ალბათ დამეთანხმებით, რომ დიდი პასუხისმგებლობაა მუნიციპალიტეტის ხელმძღვანელობა, ათასობით მოქალაქის წინაშე გარკვეული ვალდებულებების არსებობა, მაგრამ, თითოეული მადლიერი ადამიანი, დაპირებული ბენეფიციარი, გაბრწყინებული ბავშვი, გალადებული ახალგაზრდა - მაგიწყებს იმ ძალისხმევას და შრომას, რასაც ჩვენი გუნდი ყოველდღიურ რეჟიმში სამუშაო, თუ არასამუშაო დღეებში, ბევრ დათენებულ დამებში ვქმნით - ზოგჯერ საკუთარი ჯანმრთელობის ფასადაც კი...

მერწმუნეთ, რომ ყოველი დილა თქვენით იწყება და ყოველი საღამო თქვენით მთავრდება...

მინდა განსაკუთრებული მადლობა გადავუხადო საგარეჯოს მუნიციპალიტეტის ყველა მოქალაქეს ნდობისთვის, მხარდაჭერისთვის ჩვენი წარმატების გაზიარებისთვის. ეს ჩემი მოტივაცია და მამოძრავებელი ძალაა...

ალბათ დამეთანხმებით, რომ წელს განსაკუთრებულად ღამაზია ჩვენი ქალაქი. განათებული და გააკაშკაშებული... ეს ყველაფერი თქვენ გეძღვნებათ, რათა კიდევ უფრო ამაღლებული განწყობით შევეგებოთ ახალ 2024 წელს...

არაერთი ღონისძიება და აქტივობა მივუძღვევით სხვადასხვა დარგის სპეციალისტებს, სპორტსმენებს, ახალგაზრდებს, ეთნიკურ უმცირესობას, სოციალურად დაუცველ და სპეციალური საჭიროების მქონე მოქალაქეებს. წავახალისეთ და დავაჯილდოვეთ გარკვეული მიღწევებისთვის.

მადლობა მერიის გუნდს კარგი მუშაობისთვის, შპს და ა.ა.ი.პ.-სამსახურებს, მადლობა ადმინისტრაციული ერთეულის წარმომადგენლებს დაუდალავი შრომისთვის... მადლობა მთავრობის ადმინისტრაციას და მის მეტაურს, მადლობა კახეთის მხარეში სახელმწიფო რწმუნებულის აპარატს, სამინისტროებს იმ მხარდაჭერისთვის, რასაც მუდმივად ვგრძნობთ.

ავთანდილ გულიკაშვილი, საგარეჯოს მუნიციპალიტეტის მერი



## კვირვასო საბარჯოელებო!



**გილოცავთ** დამდეგ შობა-ახალ წელს! **ახალ** წელს სურვილების ახდენის მოლოდინით ვხვდებით და გისურვებთ, რომ 2024 წელი ყოფილიყოს ბედნიერების, წარმატების და კეთილდღეობის მომგანი თქვენთვის და თქვენი ოჯახებისთვის!

მინდა ახალი წელი მივულოცო ყველა იმ ადამიანს, რომელიც ჩვენი ქალაქის და ქვეყნის ხვალისდელი დღისთვის ყოველდღიურად თავდაუზოგავად მუშაობს, ჩვენს საჯარო მოხელეებს, პოლიციელებს, ექიმებს, პედაგოგებს და წარმატება ვუსურვო საქმიანობაში!

იმედი მაქვს, 2024 წელი ჩვენი ქვეყნისთვის იქნება მშვიდობის, წარმატების, განვითარების, გაძლიერების და გამთლიანების წელი!

ალექსი ბილაშვილი, საგარეჯოს მუნიციპალიტეტის საკრებულოს თავმჯდომარე

## 11 დეკემბერი მთის საერთაშორისო დღეა

11 დეკემბერს საგარეჯოს მუნიციპალიტეტის მერმა **ავთანდილ გულიკაშვილმა** პირველ მოადგილესთან **ემზარი კუჭუაშვილთან** და ადმინისტრაციული ერთეულის წარმომადგენლებთან ერთად მთის საერთაშორისო დღესთან დაკავშირებით, მადალმთიან სოფლებში მცხოვრები უხუცესები, სოციალურად დაუცველი მრავალშვილიანი ოჯახები მონახულა და ტკბილეული და სიმბოლური საჩუქრები გადასცა. **„არის დღეები, რომელიც მოულოდნელი ემოციებით გავსებს და რჩება, როგორც იმედის, თანადგომისა და მხარდაჭერის განცდა... ჩვენ, თქვენ გვერდით ვართ! ადამიანებს, რომლებიც ჩვენგან განსაკუთრებულ მხარდაჭერას საჭიროებენ, გადავწყვიტეთ, რომ დღეგანდელი დღე მივულოცოთ, სიხარული გავუზიაროთ, გულები გავუთბოთ და მხარში დავედგეთ“**. - აღნიშნა ავთანდილ გულიკაშვილმა.



# ინფრასტრუქტურა-2023

**საგარეჯოში**  
2023 წელს



**დაიგმო 13 490 კმ-ივი მეტრი გზა**

საგზაო ინფრასტრუქტურის მონეტარიზაციის ღირებულება: 6 552 210 ლარი.

**სოფელი იორმუღანლო**


პოზიანია "სოკარ ჯორჯიას" და საგარეჯოს მუნიციპალიტეტის მერიის ერთობლივი პროექტით ახალი საბავშვო ბაღის მშენებლობა მიმდინარეობს. ადაპტირებული სააღმზრდელო დაწესებულება 160 ბავშვზეა გათვლილი.



## საბარეჯო – ჯაფარიძის ქუჩა ჩიხვით



## დიდი ჩაილური მემორიალური სკვერის მშენებლობა დასრულდა.




## სოფელი კატარკეული

მ. ♡ შსტიანთი უბანში სანიაღვრე სისტემისა და გზის მოწყობის სამუშაოები რეგიონში განსახორციელებელი ფონდიდან და ადგილობრივი ბიუჯეტიდან 1 626 437 ლარით დაფინანსდა.



## სოფელი იორმუღანლო

მოსახლეობის სასმელი წყლის უწყვეტი წყალმომარაგების მიზნით, სოფელ იორმუღანლოში მაგისტრალური მილსადენის მოწყობის სამუშაოები დაიწყო. პროექტი ადგილობრივი ბიუჯეტიდან ფინანსდება და მისი ღირებულება 1 064 995 ლარს შეადგენს. სამუშაოების დასრულების შემდგომ, სოფელი იორმუღანლო, თულარი, ლამბალოს და ღუზაგრამის მოსახლეობა უწყვეტი წყალმომარაგებით ისარგებლებს.



## სოფელი მანაში

მე7 და მე-10 ქუჩების რეაბილიტაცია მიმდინარეობს



## სოფელი თოხლიაური

სკოლაგველი აღზრდის დაწესებულებასთან მისახველი გზის მოწყობის სამუშაოები დასრულდა. პროექტი რეგიონში განსახორციელებელი პროექტების ფონდიდან და ადგილობრივი ბიუჯეტიდან 255 551 ლარით დაფინანსდა.



# „ჰეი, ვინ მოდის მანდ, მომავლიდან?“ ნორჩი მოჭადრაკეები

9-10 დეკემბერს ქსაგარეჯოში ჩატარდა კახეთის ჩემპიონატი 7 და 9 წლიან გოგონებსა და ჭაბუკებს შორის, სადაც მონაწილეობდნენ, როგორც საგარეჯოს, ასევე კახეთის სხვადასხვა ქალაქებიდან (ქ: თელავი, გურჯაანი, დედოფლისწყარო, ლაგოდეხი) ჩამოსული მოჭადრაკეები.

მასპინძლებმა საკმაოდ კარგი შედეგები აჩვენეს და 4-დან 3 თასი თვითონ დაისაკუთრეს:

7 წლამდე ჩემპიონები - ზაზა თეფიაშვილი და ანასტასია ხასია; 9 წლამდე - ნუკა ლოლაძე.

**საპრიზო ადგილები:**  
7 წლამდე ჭაბუკებს შორის III ადგილი - იოსებ ლოლაძე,  
7 წლამდე გოგონები II ადგილი - მარიამ თეფიაშვილი, III ადგილი - ელენე ჯაიანი,  
9 წლამდე ჭაბუკები - III ადგილი - დემეტრე ბეშიტაშვილი.  
მწვრთნელები: ირაკლი ძვლივიძე, ელენე შარაშიაშვილი, ნანი უნაშქოშვილი.



## ნორჩი ფეხბურთელების დაჯილდოება



16 დეკემბერს, საგარეჯოს ცენტრალურ სტადიონზე, გარეჯის 2011 წელს დაბადებული

ბავშვების დაჯილდოება შედგა, დაჯილდოვდნენ ბავშვები მედლებით, სიგელებითა და თასით. გადაეცათ ინდივიდუალური პრიზებიც: საუკეთესო მეკარე გახდა **თემურ ახვიანი-დაშვილი**, საუკეთესო მცველი გახდა **ბაბრიელ დათუნაშვილი**, საუკეთესო ნახევარმცველი **რათი ორსტომიაშვილი**, საუკეთესო მეპასე **ბიორბი ბრატიაშვილი** და საუკეთესო ბომბარდირი **მატო ბარისაშვილი**. ოთარ დევიდარიანის გაწვრთნილი გუნდი 10 გუნდიანი ჯგუფის გამარჯვებული გახდა 18 თამაშიდან 16 მოიგეს, 1 ფრე ითამაშეს და 1 წააგეს, გაიტანეს 54 გოლი და გაუშვეს 8 გოლი. პლეიოფშიც საკმაოდ წარმატებულად იასპარეხა.

**ოთო დავითაშვილი:**  
- დიდ მადლობას ვუხდით, ამ ტურნირის ორგანიზატორს აფხაზეთის ფეხბურთის ფედერაციას ბატონ მამუკა ელიკაშვილს და მის თანამშრომლებს.  
მადლობა საფეხბურთო კლუბ გარეჯს, მის ხელმძღვანელს **ლაზარე დათუნაშვილს** იმისთვის რომ საგარეჯოში ფეხბურთი გააცოცხლა. მადლობა მას ამ ღამეზე დაჯილდოებისთვის.  
- მადლობა მშობლებს გულშემატკივრობისთვის, მადლობა ჩემს დამხმარე მწვრთნელს გიორგი ჯანბეგაშვილს, მადლობა „გარეჯის“ ასაკობრივი ჯგუფების მწვრთნელებს. წარმატებები ბავშვებო, უფრო მეტი სიხარული მოგეტანოს მომავალში. მეამაყებით ჩემო ძალიან მაგარო ბიჭებო!

# რაბბი როცა 18 წლის ასაკში ამდენი ტიტული გაქვს...

### ტატო ბურთიკაშვილი - გზა პატარძელის „ვეფხებიდან“ საქართველოს ეროვნული ნაკრებისა და ევროპის ჩემპიონობამდე

რაბბის კლუბი პატარძელის „ვეფხები“  
(დირექტორი სანდრო პავლიაშვილი), ჩემი



მუნიციპალიტეტის ის სპორტული საზოგადოებაა, რომელიც საგარეჯოსა და კახეთის სხვა მუნიციპალიტეტების მოზარდ თაობებს მსოფლიოში პოპულარული სპორტის ამ სახეობას აზიარებს და მცდელობას არ იშურებს მათი ფართო ასპარეზზე გაყვანისათვის. ამის პრეცედენტი უკვე კარგა ხანია შედგა და იმათგან, ვინც სადღეისოდ „ვეფხებიდან“ საქართველოს ეროვნული ნაკრებსა და აქედან საერთაშორისო არენაზე გაიკაფა გზა, ამ კლუბის აღზრდილი, წარმოშობითაც პატარძელური ტარიმელ (ტატო) ბურთიკაშვილია.

და აი, ტატო ჩემი გაზეთის რედაქციის სტუმარია. სპორტული აღნაგობის, ცოცხალი მორიდებული ახალგაზრდა, სპორტსმენებისათვის დამახასიათებელი ლაკონური პასუხებით გეპასუხობს დასმულ კითხვებზე.

დაიბადა 2005 წელს მშრომელი პატარძელური დედ-მამის ოჯახში. მათი სახლი იქვე, პატარძელის რაგბის კლუბის საფარჯიშო მოედანთანაა. ალბათ ამ სიახლოვემაც იქონია გავლენა, რომ 10 წლისა საფარჯიშოდ რაგბზე შევიდა მწვრთნელ გიორგი ქელიძისთან, რომელიც თავად „ვეფხების“ აღზრდილი და მოთამაშე გახლდათ. გიორგი ქელიძემ შემდეგ სხვა მწვრთნელმა - ზვიადი ცუხიშვილმა და მათ შორის კლუბის ამჟამინდელმა დირექტორმა შეცვალა. მათი დახმარებით სულ მალე, სამ - ოთხ წელიწადში მოხდა „ვეფხების“ მოზარდთა იმ გუნდში, რომელიც მონაწილეობს საქართველოს პირველი



ლიგის ჩემპიონატებში. აქედან კი, როგორც ნიჭიერი, პერსპექტიული მოთამაშე საქართველოს რაგბის ეროვნულ ნაკრებში აიყვანეს და სადღეისოდ 18 წლამდელთა ნაკრებს 11 ნომრის მისურით ამშვენებს. ეს ნაკრები, როგორც ცნობილია, წელს ჩეხეთში გამართული ევროპის ჩემპიონატის ჩემპიონი გახდა, სადაც პირველ შერეკინებაში დაამარცხა შვეიცარიის, ნახევარფინალში ნიდერლანდების, ფინალში კი უძლიერესი პორტუგალიის ეროვნული ნაკრები გუნდი.

- ტატო, როგორც ვიცი წლევეანდელი ევროპის ჩემპიონატის გარდა, ეს ტიტული წინა წლებშიც გქონდა. ეს რიგით მერამდენა? - ვეკითხები ევროპის უკვე მრავალჯერ ჩემპიონს.

- ჩეხეთში ეს უკვე მეხუთედ მოვიპოვეთ ევროპის ჩემპიონის ტიტული და მიმანია რომ ამ დიდ წარმატებებში, რაც ევროპის ჩემპიონატზე 18 წლამდელთა ეროვნულმა ნაკრებმა მოიპოვა, ჩემი გარკვეული წვლილიცაა შეტანილი.

- ნამდვილად სასიხარულო და ამასთანავე, საამაყოცაა - ჯერ ერთი, მოიპოვე ასეთ პრესტიჟულ ასპარეზოში მონაწილეობის უფლება და მეორე - შენი უშუალო წვლილი ჩადო ასეთი გამარჯვების მოპოვებაში. ძნელი იყო ეს საქმე შენთვის, როგორც აქამდე ევროპის ოთხჯერ ჩემპიონისათვის?

- ევროპის ჩემპიონატებში ყოველ წელს ვიღებთ ხოლმე მონაწილეობას, მაგრამ ასეთი დონის ჩემპიონატებში მონაწილეობისათვის მარტო ტიტულები არ კმარა, ამ უფლების მოპოვებისათვის ჩვენ გავიარეთ სპეციალური შესარჩევი ჩემპიონატი, სადაც შეირჩა ნაკრების ძირითადი 28 მოთამაშე და მათ შორის მე. ბუნდოვანი ვარ, რომ ჩემზე გამოცხადებული ეს ნდობა წარმატებით განვახორციელებ.

- ჩემპიონატში რა პოზიციაზე გიწვევდა თამაში იქაც ისევე 11 ნომერი იყავი?

- კი ეს იყო ჩემი პოზიცია.

- ევროპის წლევეანდელი და სხვა ჩემპიონატებიდან, რომელი იყო შენთვის ყველაზე შედეგიანი და დასამახსოვრებელი?

- ასეთად შეიძლება ჩაითვალოს შარშანდელი ჩემპიონატი, სადაც შევედი ექვსი (6) ლელოს დადება და გავხდი ბომბარდირი.

- როგორია „ვეფხებისა“ და საქართველოს 18 წლამდელთა ეროვნული ნაკრების ხუთჯერ ევროპის ჩემპიონის უახლოესი ბავშვები?

- ამჟამად დაიწყო 2024 წლის ჩემპიონატისათვის საქართველოს 20 წლამდელთა ეროვნული ნაკრების შესარჩევი პერიოდი და ინტენსიური ვარჯიშები. პატარძელში ზვიადი ცუხიშვილის, ეროვნულ ნაკრებში ზურა ამონაშვილის ხელმძღვანელობით. ჯამში დღეში 5-6 საათი გამოძის, ამას ემატება მგზავრობა პატარძელიდან თბილისში და პირიქით. ეს წვრთნები და შეკრებები გავრძელდება წლის ბოლომდე. ახალი წლიდან კი დაიწყება ნაკრების დაკომპლექტება. კონკურენცია ძალიან დიდია და ყოველნაირად ვეცდები ეს ბარიერი წარმატებით გადავლახო.

- სწავლა-განათლების „ჩემპიონატში“ რა შედეგები გაქვს?

- დავამთავრე პატარძელის საჯარო სკოლა და წელს გავხდი საქართველოს ეროვნული უნივერსიტეტის საერთაშორისო ურთიერთობათა ფაკულტეტის სტუდენტი. ისე გადაწყვეტილი მაქვს, ბოლომდე გავყვე რაგბს და ჩემი სიტყვა ვიქნა ქართული რაგბის განვითარება-წინსვლის საქმეში.

- აბა შენ იცი! წარმატებების მომტანი იყოს შენთვის 2024 შობა-ახალი წელი დასახული მიზნების განხორციელების საქმეში.



# ოსინი ჩვენი ნათელი მომავალია



## მარიამ ხითაროშვილი

– მარიამ, გილოცავთ დამსახურებულ ჯილდო-საჩუქარს. ჩვენი გაზეთის მკითხველი საბიბლიოთეკო ცხოვრებიდან კარგად გიცნობს – აქტიურად მონაწილეობს საგარეჯოს ბიბლიოთეკის მიერ მოწყობილ ყველა ღონისძიებაში, მაგრამ, მოდი, დღეს ჩვენი გაზეთის მკითხველს უფრო ახლოს გაეცნოთ შენი თავი, გვითხარი, რომელი საგნები გიყვარს მეტად?

– გამარჯობა. მე ვარ მარიამ ხითაროშვილი, ნუგზარ ჭანტურიას სახელობის ქ. საგარეჯოს II საჯარო სკოლის X კლასის მოსწავლე. მიყვარს ჩემი სკოლა და სწავლა, ამიტომ რომელი საგანი მიყვარს, კონკრეტულად ვერც ერთ საგანს ვერ გამოყოფ, თუმცა ვაღიარებ, რომ ინტერესი და მიდრეკილება უფრო ჰუმანიტარული საგნებისკენ მაქვს.

– მარიამ, მიუხედავად დატვირთული სასკოლო ცხოვრების გრაფიკისა, თავისუფალი დრო ყოველთვის გამოიხატება. შენ როგორ ანაწილებ თავისუფალ დროს?

– თავისუფალ დროს მიყვარს ცეკვა, ლიტერატურის კითხვა, მეგობრებთან დროის საინტერესოდ გატარება.

**25 ოქტომბერს** ნინოწმინდის სამონასტრო კომპლექსის ტერიტორიაზე საგარეჯოს მუნიციპალიტეტის ხელმძღვანელმა პირებმა: **ამთარნილ გულიაშვილმა, ალექსი ბილაშვილმა, ბიორბი ლალიაშვილმა**, საქართველოს პარლამენტის მაჟორიტარი დეპუტატის ბიუროს ხელმძღვანელმა **ბია თათაროშვილმა**, საგარეჯოს მუნიციპალიტეტის საჯარო სკოლების კურსდამთავრებულ მოსწავლეებს პროგრამა „ჩემი პირველი კომპიუტერი“ მიხედვით პორტაბელური კომპიუტერები გადასცეს.

ღიახ, პორტაბელური კომპიუტერები გადაეცათ მოსწავლეებს, რომლებმაც 2022-2023 სასწავლო წელს დაასრულეს საბაზისო საფეხურები და საფეხურის ნიშანი აქვთ 10 ქულა დამრეგულების გარეშე.

საამაჟოა, რომ ამ დღეს, ჩვენი მუნიციპალიტეტის 26 საჯარო სკოლის 59 წარჩინებულ მოსწავლეს სწორედ ამ პროგრამის ფარგლებში მართლაც უდიდესი საჩუქრები გადაეცათ. მათ შორის იყვნენ მოსწავლეები **მარიამ ხითაროშვილი** და **შიო შიოშვილი**, რომელთაც დღეს გაზეთის მკითხველი ჩვენი გაზეთის ფურცლებზე შეხვდება.

ლი დედის თავდადებული სიყვარული შეიქცა.

– დედა ვახსენეთ, რა როლს ასრულებს დედა შენს ცხოვრებაში?

– დედა, ნინო ტიფინაშვილი ჩემი ბიოლოგიის მასწავლებელია, ის მაქსიმალურადაა ჩართული ჩემს ყოველდღიურ საქმიანობაში. მეხმარება, მაძლევს რჩევებს, მასწავლის... ასე, რომ ჩემთვის დედა ნომერ პირველი მრჩეველი და დამრიგებელია.

– ზემოთ თავისუფალი დრო ვახსენეთ, მხოლოდ სკოლა და ბიბლიოთეკა, თუ სხვა ინტერესებიც გაქვს?

– მიყვარს საზოგადოებრივ აქტივობებში მონაწილეობის მიღება და როგორც თვითონაც აღნიშნეთ, აქტიურად ვარ ჩაბმული საგარეჯოს ბიბლიოთეკის მიერ მოწყობილ ღონისძიებებში. ასევე, ვარ საგარეჯოს მოსწავლე-ახალგაზრდობის სახლის ლიდერი. დაედივარ ცეკვის წრეზე მოსწავლე-ახალგაზრდობის სახლში გავიარე ერთწლიანი ლიდერობის კურსი, რომლის შედეგადაც მივიღე ლიდერის სტატუსი. ლიდერის უფლება-მოვალეობაა, უმცროს თაობას ვასწავლო, როგორ უნდა ვახსენებ ლიდერები და რა უნარ-ჩვევები უნდა ახასიათებდეთ მათ. ერთად ხორცს ვასხამთ სხვადასხვა სახის პროექტებს, მაგალითად, გაეროს მოდელირება, ვაჭრობით სხვადასხვა სახის პერფორმანსებს და აღვნიშნავთ სხვადასხვა სახის მნიშვნელოვან საერთაშორისო დღეებს.

– და ეს ყველაფერი დღეს, მაგრამ სამომავლოდ რა პროფესიას აირჩევ?

– ამ ეტაპზე პროფესიის არჩევის პროცესში ვარ. რა პროფესიაც არ უნდა ავირჩიო მომავალში, გეცდები, გამოვიდე ჩემი საქმის პროფესიონალი და ჩემს ქვეყანას გამოვადგე.

– დღევანდელი გადმო-სახედიდან, რას ურჩევ შენს თანატოლებს?

– ყველა ჩემს თანატოლს ვუსურვებ იმ ემოციურად ბედნიერი წუთების განცდას, რაც მე განვიცადე წმინდა ადგილას საჩუქრის გადმოცემისას და ვურჩევ ისწავლონ კარგად, რადგან სწავლა ყოველთვის ფასდება.

– გილოცავთ ამ მაღალ ჯილდოს, მიღწეულს ერთობ დიდი ძალისხმევითა და სიბეჯითით. წარმატებებს ვისურვებთ მომავალში!

– მაღლობა.

## შიო შიოშვილი

– შიო, მოდი გაეცნოთ შენი თავი ჩვენი გაზეთის მკითხველს...

– მე ვარ შიო შიოშვილი. ვსწავლობ საგარეჯოს მუნიციპალიტეტის სოფელ ნინოწმინდის საჯარო სკოლის X კლასში. კლასში 28 მოსწავლე ვართ. აღნიშნული ჯილდო ჩემს გარდა კიდევ ჩვენი სკოლის ოთხმა მოსწავლემ: **მარიამ როსტიაშვილმა, ნანა არჩუაშვილმა, გიორგი ოკინაშვილმა და ანანო ტოპაშვილმა** მიიღო.

– შიო, შენი აზრით – დღეს რა არის მოსწავლისათვის საჯილდოაო ქება?

– ჩემი აზრით – სწავლა გააზრებულად და გათვითცნობიერებულად და დისციპლინის გათვალისწინებით. დღეს ვეჭვობდები დროის უფქტურად გამოყენება, წარსულის შესწავლა-გაანალიზება, აწმყოში ჩრდილოვანი მხარეების დანახვა და სწორი დასკვნების გამოტანა და მომავლის მიზანმიმართულად დაგეგმვა. სწავლის გარდა, ჩვენთვის, მოსწავლეებისათვის აუცილებელია საზოგადოებასთან ურთიერთობა, სწრაფვა და გარკვევა – რა შესაძლებლობები გაგვანია, რა შეიძლება გავაკეთოთ მომავლისათვის სასარგებლო, სწორად შევარჩიოთ ჩვენი პროფესია...

– რას იტყვი პედაგოგებზე? შენი აზრით, რა როლი აქვს პედაგოგს, დამრიგებელს მოსწავლისათვის სწორი გზის ჩვენების საქმეში?

– ალბათ დამეთანხმებით, რომ სწავლის დაწყებითი საფეხური ერთ-ერთი ყველაზე მნიშვნელოვანი ეტაპია მოსწავლის ცხოვრებაში, რომელსაც შემდგომ უდიდესი წვლილი შეაქვს მის წარმატებულ მომავალში, ამიტომ პირველ რიგში მაღლიერება მინდა გამოვხატო ჩემი პირველი მასწავლებლის **მანანა როსტიაშვილის** მიმართ, რადგან თავდაპირველად მან შემიძინა ის ცოდნა, უნარები და ღირებულებები, რაც სწავლის შემდგომ საფეხურებზე გავაღრმავე და განვავითარე ჩემი ოჯახისა და სკოლის სხვა პედაგოგების დახმარებით. რაც შეეხება სწავლის საბაზისო საფეხურს, ამ ეტაპს ჩემი ქართული ენისა და ლიტერატურის პედაგოგი ქ. ნონა ჭიაბერაშვილი უძღვებოდა, რომელმაც უდიდესი წვლილი შეიტანა ჩემი პიროვნული თვისებებისა და მოქალაქეობრივი ღირებულებების ჩამოყალიბებაში. ნონა მასწავლებელი ჩემთვის მხოლოდ პედაგოგი არ არის, ის ჩემთვის სამაგალითო ადამიანი, საუკეთესო მრჩეველი და მეგობარია... რაც შეეხება ჩემს ახლანდელ დამრიგებელს **მარიამ ყორღანაშვილს**, მიხარია, რომ ღირსეულად იკავებს ერთ-ერთი საუკეთესო დამრიგებლის ადგილს ჩემს სასკოლო ცხოვრებაში... მას შეუძლია გავრძნობინოს თავი მის თანატოლად, მეგობრად, თანამოაზრედ. ის გამოირჩევა ბავშვისადმი ეფექტური კომუნიკაციის უნართა და განსაკუთრებული მიდგომებით...

– თავისუფალი დრო, ვამბობთ, როგორ იყენებ მას?



– თავისუფალ დროს ძირითადად მუსიკალურ ინსტრუმენტზე – ფანდურზე დაკვირვებისას ვიყენებ. ასევე, დაკავებული ვარ თანატოლებთან კომუნიკაციით, მიყვარს ფილმების ყურება.

– შიო, საყვარელი პოეტი, მწერალი, რას გეშეუ?

– გამიჭირდება საყვარელი მწერლის გამორჩევა, მაგრამ არ შეიძლება არ აღვნიშნო დათო ტურაშვილის „ჯინსების თაობა“, რომელსაც კიდევ რამდენჯერმე



დიდი სიამოვნებით წავიკითხავ, რადგან ავტორის წერის მანერა გამორჩეულია თავისი გულწრფელობით, სიმარტივით და ემოციურობით.

– სკოლის სახეობა, რომელმაც დაგაინტერესა...

– ჩემთვის დიდი ინტერესი გამოიწვია მკლავკლამა და დაინტერესებული ვარ ფიტნესით, რადგან ვფიქრობ, მნიშვნელოვანია ჯანმრთელობისათვის და ის ერთ-ერთი განუყოფელი ნაწილი უნდა იყოს ჩვენს ცხოვრებაში.

– დედა-თონა გივიშვილი, საგარეჯოს ფოლკლორულ ანსამბლ „ჩინარის“ სოლისტი. შენი უმცროსი დაიკო ტასო – მღერის. შენ?

– სიმღერით არ ვმღერებ, მაგრამ დაკავებული ვარ ქართული ცეკვით და როგორც ზემოთ აღვნიშნე, სიამოვნებას მანიჭებს ფანდურზე დაკვრა.

– შიო, მითხარი, რა გრძნობა გქონდა, როცა საჩუქარი გადმოგცეს, თანაც გადმოგცეს საზეიმო ვითარებაში, შენი თანატოლების, ნაცნობების, უცნობების წინაშე?

– მაღლობელი ვიყავი, რადგან ეს საჩუქარი არის სტიმული მოსწავლისათვის და სასიხარულოა, რომ ფასდება მოსწავლის მონდომება.

– რას ამბობს შენი უმცროსი და, როგორ შეხვდა შენთვის საჩუქრის გადმოცემას?

– მას შემდეგ, რაც მივიღე ეს სიმბოლური საჩუქარი, ჩემი და – ტასო, კიდევ უფრო მონდომებული გახდა, რომ იყოს ათოსანი და მანაც აიღოს ეს ჯილდო.

– რა შეიძლება გააკეთოს შენმა თანატოლებმა, რომ ეს ჯილდო დაიმსახუროს?

– მათ უნდა დაიმსახურონ უმაღლესი შეფასება საბაზო საფეხურის თითოეულ ეტაპზე და რაც მთავარია, ეს გააკეთონ არა მხოლოდ ჯილდოსათვის, არამედ მათი უკეთესი მომავლისათვის.

– წარმატებებს ვისურვებ სამომავლო სწავლისა და ცხოვრების გზაზე.


– მაღლობა.



– ქართველი მწერლებიდან ვის გამოაჩნევ?

– ქართველი მწერლებიდან უდიდესი სიყვარულით და კვლავაც უდიდესი ინტერესით გამოვარჩევ კონსტანტინე გამსახურდიას „დიდოსტატის მარჯვენას“ და ილია ჭავჭავაძის „ოთარაანთ ქერივს“, რადგან ერთში აღწერილია საქართველოს ისტორიის სხვადასხვა ქრონიკები, გამოკვეთილია პატრიოტიზმი და მეორეში კი ქართველი

## უბალონის გამარჯვებული



უბალონის ინტელექტ-ჩემპიონატის 2023 წლის შემაჯამებელ კონკურსში მონაწილეობა მიიღო ქალაქ **საგარეჯოს №1 საჯარო სკოლის XI კლასის მოსწავლემ საბა ღუჩიძემ**. საბა საქართველოს მასშტაბით 37 მუნიციპალიტეტის ეტალონ მოსწავლეებს შორის ერთ-ერთი გამორჩეული და წარმატებული მონაწილეა.

უბალონის ინტელექტ-ჩემპიონატის 2023 წლის შემაჯამებელ კონკურსში მონაწილეობა მიიღო ქალაქ **საგარეჯოს №1 საჯარო სკოლის XI კლასის მოსწავლემ საბა ღუჩიძემ**. საბა საქართველოს მასშტაბით 37 მუნიციპალიტეტის ეტალონ მოსწავლეებს შორის ერთ-ერთი გამორჩეული და წარმატებული მონაწილეა.

# სამართველოს „სასკოლო სპორტული ოლიმპიადა 2023-2024“ მუნიციპალური პირველობის გამარჯვებულნი



**სამართველოს** „სასკოლო სპორტული ოლიმპიადა 2023-2024“-ის ფარგლებში ოქტომბრიდან დაიწყო და დეკემბერში დასრულდა საგარეჯოს მუნიციპალური პირველობა სპორტის სხვადასხვა სახეობაში. ამ ხნის მანძილზე მუნიციპალიტეტის საჯარო სკოლების მოსწავლე ვაჟები და გოგონები ერთმანეთს ეჯიბრებოდნენ კალათბურთში, გეზბურთში, ფრენბურთში, მინი ფეხბურთსა და მხიარულ სტარტებში გამარჯვების მოსაპოვებლად, რაც მათ საშუალებას მისცემდათ ოლიმპიადის შემდგომ, კახეთის რეგიონალურ პირველობაში მონაწილეობისათვის.

საბოლოოდ მინი ფეხბურთში (ვაჟებში) პირველი ადგილი დაიკავა ქალაქ საგარეჯოს IV საჯარო სკოლამ (ფიზაღზრდის მასწავლებელი გია ხუროშვილი). მეორე ადგილზე გავიდა წყაროსთავის საჯარო სკოლა.

კალათბურთი 3X3 ვაჟებში გამარჯვება პირველმა საჯარო სკოლამ (პედაგოგი ოთარ დევედარიანი), მეორე ადგილზე გავიდა ქალაქ საგარეჯოს მეორე საჯარო სკოლა.

გეზბურთში (გოგონები) გამარჯვება ნინოწმინდის საჯარო სკოლამ (პედაგოგი ნინო გოცირიძე), მეორე ადგილზე გავიდა ქალა საგარეჯოს მეორე საჯარო სკოლა.

ვაჟებში გეზბურთში კვლავ ნინოწმინდის

საჯარო სკოლა გახდა ჩემპიონი, მეორე ადგილზე გავიდა პატარა ჩაილურის საჯარო სკოლა.

ფრენბურთში (გოგონებში) გამარჯვება მზისგულის საჯარო სკოლამ (პედაგოგი სოსო ჭიკაძე), მეორე ადგილი დაიკავა პატარა ჩაილურის საჯარო სკოლამ.

ვაჟების ფრენბურთში გამარჯვებული გახდა პატარა ჩაილურის საჯარო სკოლა (პედაგოგი ალიკა როსტიაშვილი), მეორე ადგილის დაიკავა ქალაქ საგარეჯოს I საჯარო სკოლამ.

მხიარულ სტარტებში გამარჯვებს ქალაქ საგარეჯოს IV საჯარო სკოლის მოსწავლეებმა. მეორე ადგილზე გავიდა ნინოწმინდის საჯარო სკოლის გუნდი.

მუნიციპალურ პირველობაში გამარჯვებულნი, პირველ ადგილზე გასული სკოლების გუნდები მონაწილეობას მიიღებენ ოლიმპიადის რეგიონალურ პირველობაში, რომელიც კახეთის სხვადასხვა მუნიციპალიტეტებში ჩატარდება.

„სასკოლო სპორტული ოლიმპიადა 2023-2024“ მუნიციპალური პირველობა ორგანიზებული იყო მუნიციპალიტეტის მერიის სპორტული სამსახურის მიერ (ხელმძღვანელი გიორგი კობიაშვილი). გამარჯვებულ გუნდებს გადაეცათ აღნიშნული სამსახურის შესაბამისი სიგელები.

ბიჭო ლაპახიშვილი.

# ჭადრაკი გამარჯვებულებისკენ

დასიონ ბურხანბეიკი (მარცხენი), ნუკა ლომიძე და ირაკლი კვიციანი



შს პატარა მორცხვი გოგონა, რომელიც ახლა ჩემს წინ სასაუბროდ ზის, უკვე თქვენთვის ნაცნობი სახეა, ჩვენი გაზეთის ძვირფასო მკითხველო. დიას, ის გაგეცნოთ თავის პატარა ძმა - სოსოსთან ერთად. უბრალოდ, შეგახსენებთ, რომ და-ძმა მანავის თემის სოფელ ბურდიანში მცხოვრები და მანავის საჯარო სკოლის მოსწავლეები არიან. ისინი კვირაში სამი-ოთხი დღე საგარეჯოში მოდიან და აიპ „საგარეჯოს მუნიციპალიტეტის სპორტკაერთიანების“ (დირექტორი **მამუკა კურდღელაშვილი**) ჭადრაკის სექციის (პედაგოგი **ირაკლი კვიციანი**) პატარა მოჭადრაკეები არიან - ნუკი და სოსო ლომიძეები.

სულ რამდენიმე თვეა, რაც მართლაც სერიოზულად „მოჰკიდეს ხელი“ ჭადრაკის შესწავლას და წარმატებებიც აქვთ. ნუკიმ საქართველოს ჩემპიონატზე რვაწლიან გოგონებში მეხუთე ადგილი დაიკავა = 9 ქულიდან 5,5 ქულით. ასევე, სწრაფ ჭადრაკში 10 წლიან გოგონებში „თელავის თასზე“ მეორე ადგილი დაიკავა - 9-დან 7 ქულით. კახეთის რეგიონულ ჩემპიონატში „სოსო კიკელაშვილის“ თასზე, მეორე ადგილი დაიკავა - 9-დან 7 ქულით. ახლახანს კი, თბილისში გამართულ „ბუხუტი გურგენიძის სახელობის თასზე“ = 2023-ში“ 8 წლიან გოგონებში 7 ქულიდან 6 ქულით თასი მოიგო.

- ძალიან შრომისმოყვარეები არიან, - მეუბნება საუბარში პედაგოგი ირაკლი კვიციანი, - არასდროს ეხარებათ მანძილის გამოვლა, მამა ხელს უწყობს, და ვფიქრობ, სადაც მონაწილეობა და ინტერესია, სწრაფად ცოდნის გადრეკებისკენ, იქ ყოველთვის იქნება გამარჯვება. ორივე ძალიან მეძინებდა, თუმცა სოსო ჯერ პატარაა, მაგრამ მასაც აქვს თავისი პატარ - პატარა მიღწევები. ვიმედოვნებ, რომ ორივე საგარეჯოს ასახლებენ.

- ჩემი შვილები ვერაფერს შესძლებდნენ, თუ არა მანავის მე-2 საბავშვო ბაღში გატარებული ნაყოფიერი წლები. ბაღის მენეჯერმა ქალბატონმა **მანა მირზაშვილმა** მათში ჭადრაკის ინტერესი აღმოაჩინა და ყველანაირად ცდილობდა მათთვის ხელისშეწყობას, - საუბარში ჩაერთო ნუკის და სოსოს მამა - გოგიტა ლომიძე, - მადლობა მას



ამ სიკეთისთვის და მადლობა ბატონ ირაკლი კვიციანიძეს, რომელიც ძალას, ენერჯიას არ იშურებს ჩემი შვილების, ჭადრაკის სექციის მოსწავლეების დაოსტატებისათვის. დიას, მას დროც არ ენანება და ხშირად დასვენების დღეებშიც ამეცადინებს...

ჩვენ კი ვგვჯერა, რომ ეს გარჯა, ეს მონაწილეობა შედეგს გამოიღებს და დღევანდელი მოსწავლეები მომავალში ტოლს არ დაუდებენ საქართველოში სახელგანთქმულ მოჭადრაკეებს.

# „წლის რეინჯერი“ ციფ-გომბორის ალკვითილის უფროსი რეინჯერი გელა ღრეული



**სამართველოს** უნიკალურ ბუნებრივ საგანძურს - დაცულ ტერიტორიებს, სადაც თავმოყრილია ფლორისა და ფაუნის მსოფლიოში უნიკალური ეგზემპლარები, ჩვენი ქვეყნის ტერიტორიის თითქმის 13% უკავია. ისინი საქართველოს 24 ტერიტორიულ ადმინისტრაციას შორის გადანაწილებული და 400 რეინჯერი იცავს. აქედან გამონაკლისი არც ჩვენი მუნიციპალიტეტია, სადაც სხვებზე მეტი თუ არა, არანაკლები დაცული ტერიტორიის: **მარიაშვილის სახელმწიფო ნაკრძალი** (1022ჰა), **ყორღის ადკვეთილი** (1716ჰა), **იორის ადკვეთილი** (2126ჰა) და ახლახანს შექმნილი **ციფ-გომბორის ადკვეთილი** (5010ჰა).. ჯამში მათ 9874 ჰა ფართობი უკავიათ, სადაც დაცულია გარეკახეთის ფლორისა და ფაუნის უიშვიათესი ეგზემპლარები. ამ ტერიტორიების დაცვა-უსაფრთხოების საქმეს ყოველდღიურად 12 რეინჯერი ემსახურება 24 საათიან დღის რეჟიმში. კერძოდ, მათი ვალია, გამოავლინონ და ადკვეთონ ბრაკონიერობის ფაქტები, გამოწვეულ ხანძრებს, ჩაატარონ სამოქმედო

გაუმკლავდნენ ბუნებრივ თუ დაუდევრობით არეალში ბიომრავალფეროვნების მონიტორინგი და საჭიროების შემთხვევაში იზრუნონ იქ ვიზიტორთა უსაფრთხოებაზე, მიაწოდონ სათანადო ინფორმაცია.

მათი ამ ფასდაუდებელი შრომის აღსანიშნავად, ისე, როგორც მსოფლიოში, ასევე საქართველოშიც ყოველწლიურად ზაფხულში, 21 ივლისს აღინიშნება რეინჯერთა საერთაშორისო დღე და ამასთან დაკავშირებით ხდება წლის საუკეთესო რეინჯერის გამოვლენა და შესაბამისი წამახალისებელი ღონისძიებების გატარება. შეგახსენებთ, რომ „რეინჯერთა დღე“, რეინჯერთა საერთაშორისო ფედერაციის მიერ პირველად 2007 წელს აღინიშნა და მას შემდეგ ყოველწლიურად ტარდება. საქართველო კი ამ პროცესში მოგვიანებით, 2017 წლიდან ჩაერთო. „წლის რეინჯერის“ გამოვლინება, რა თქმა უნდა, ხდება დაკისრებული მოვალეობის პირნათლად შესრულების, საუკეთესო მანერებლობისა და პიროვნული თვისებების მიხედვით. ამის მიხედვით, მარიაშვილის სახელმწიფო ნაკრძალის ადმინისტრაციას, რომელშიც ზემონახსენები ადკვეთილები შედის, დღიდან ამ

წოდების დაწესებისა, წლებიდანამდე პყავდა ოთხი „წლის რეინჯერის“ წოდების მქონე რეინჯერი: **ბესო დიდიშელაშვილი, მამუკა ნაცველიშვილი, ვითობარ ალიევი** და ადმინისტრაციის დაცვის სამსახურის უფროსი **მურმან ებრაელიძე**. წლებიდან კი მათ რიგებს კიდევ ერთი ამ წოდების მქონე რეინჯერი, ახლად შექმნილი ციფ-გომბორის ადკვეთილის უფროსი რეინჯერი **გელა ღრეული** შეემატა. ეს წოდება და შესაბამისი წახალისება ჩვენებურ რეინჯერს გარემოს დაცვისა და სოფლის მეურნეობის სამინისტროს დაცული ტერიტორიების სააგენტოს მიერ ორგანიზებულ თბილისის ეროვნულ პარკში, საბადურის ტემის მონაკვეთზე რეინჯერთა დღისადმი მიძღვნილ ღონისძიებაზე მიენიჭა, რომელსაც ამ სამინისტროს მინისტრის მოადგილეები ნინო თანდილაშვილი, კახა კაკაბაძე, დაცული ტერიტორიების სააგენტოს თავმჯდომარე დავით იოსებაშვილი, საქართველოს მთავრობისა და დიპლომატიური კორპუსის წარმომადგენლები ესწრებოდნენ, სხვა სიმბოლურ საჩუქრებთან ერთად გელა ღრეულს, ისე, როგორც სხვა ამ წოდების რეინჯერებს 500 ლარიანი ვაუჩერიც გადაეცა. აქვე აღსანიშნავია ის ფაქტიც, რომ მთელი მისი შეგნებული ცხოვრება ბუნებისა და მისი დაცვის სამსახურს უკავშირდება. საგარეჯოს პირველი საჯარო სკოლის დამთავრების შემდეგ, მიიღო უმაღლესი განათლება მეტეოლოგიის სპეციალობით და კახეთისა და ჩვენი მუნიციპალიტეტის გარემომცველი ბუნების სამსახურშია. 8 წელი იმუშავა გარემოს დაცვისა და ბუნებრივი რესურსების მართვის კახეთის სამხარეო სამსახურში, სამი წელი საგარეჯოს სატყეო მეურნეობაში, მათ შორის ყველაზე დიდი - პატარაქელის, ნინოწმინდის, საგარეჯოს, გიორგიწმინდის, თოხლიაურის(ვიდრე მანავამდე) სატყეო უბნის რეინჯერად. ამით იმის თქმა და ხაზგასმაც გვიწევს, რომ მისთვის ასე თუ ისე კარგადაა ცნობილი ციფ-გომბორის ადკვეთილის ნიუანსები, სადაც იგი აჯერ, უკვე ერთ წელზე მეტია მუშაობს. სხვაც რომ არაფერი იყოს, პროფესიით ბუნების დამცველსა და სამი შვილის მამას, იმის შესხენება ნამდვილად არ დასჭირდება, რომ შვილებისათვის, მომავალი თაობებისთვის ბუნების დაცვა-შენახვას და მოფრთხილებას რა მნიშვნელობაც ენიჭება. აკი, ქართველი კაცის შექმნილი დიდებული სიმღერაც გვმოძღვრავს „ტყე შეუნახე შვილებსაო“...

ნამდვილად გელა ღრეულსაც ეკუთვნის ის მადლიერების სიტყვები, რომელიც 31 ივლისის რეინჯერის დღეზე გარემოს დაცვისა და სოფლის მეურნეობის მინისტრის პირველმა მოადგილემ ნინო თანდილაშვილმა გააუღერა.


... დაცული ტერიტორიების ფართობი ჩვენი ქვეყნის ტერიტორიის 13% შეადგენს. ამ უნიკალურ მრავალფეროვნებას სჭირდება დაცვა, მოვლა, პატრონობა, რეინჯერთა პასუხისმგებლობა ამ საქმეში არის ძალიან დიდი; ისინი ასრულებენ ძალიან მნიშვნელოვან სამუშაოს ბუნების დაცვის საქმეში. მათი წვლილი არის ფასდაუდებელი... ჩვენ კარგად უნდა გვეხსოვდეს, რომ ასეთი მნიშვნელოვანი სამუშაოს შესრულება არის გმირობის ტოლფასი. სახელმწიფო ზრუნავს, რომ რეინჯერებს ჰქონდეთ, როგორც სათანადო სამუშაო პირობები, ასევე სოციალური გარანტიები, იმისათვის, რომ მათ ღირსეულად შეასრულონ თავიანთი საქმე“.

წარმატებები ჩვენს „წლის რეინჯერს“, მით უმეტეს რომ უახლოეს ხანებში ციფ-გომბორის ადკვეთილში იქ მოწყობილი ეკობიოლიკებისა და სხვა შესაბამისი ინფრასტრუქტურის წყალობით, მოიმარტებს ტურისტებისა და ვიზიტორების რიცხვი, რაც კიდევ უფრო გაზრდის მის პასუხისმგებლობას დაკისრებული საქმისადმი.

ბიჭო ლაპახიშვილი

# ინფრასტრუქტურა-2023

**პრემიერ-მინისტრის მიერ ინიცირებული პროგრამა „განახლებული რეგიონების“** ფარგლებში, ქალაქ საგარეჯოს აღმაშენებლის ქუჩაზე მდებარე 22 შენობის, მოედნისა და სკვერის რეაბილიტაცია დასრულდა. ქალაქის ცენტრალურ ნაწილში განახლდა შენობები, გამოიკვალა კარ-ფანჯრები, მოეწყო ტროტუარები და ღობეები, რეაბილიტაცია ჩაუტარდა მიმდებარე სკვერს.



## სოფელი შიბლიანი

ახალი რეკრეაციული სივრცე მოეწყო.



## სოფელი ბადიაური

**საოტრული** ინფრასტრუქტურის გაუმჯობესებისა და ჯანსაღი ცხოვრების წესის პოპულარიზაციის მიზნით, ადმინისტრაციულ ერთეულებში მინი სტადიონებისა და სპორტული დარბაზების მშენებლობა აქტიურად მიმდინარეობს.

ამ ეტაპისათვის, სოფელ ბადიაურს ახალი, მრავალფუნქციური მინი სტადიონი შეემატა.



**საოტრული** ინფრასტრუქტურის გაუმჯობესებისა და სოფელ ბადიაურში, ე.წ კაკლების უბანში საავტომობილო გზის მოასფალტების სამუშაოების პირველი ეტაპი დასრულდა.



# იუბილე

## „ჩინარი“ 40 წლისაა

**საბარეჯოს** კულტურის სახლის მცირე დარბაზში ანსამბლ „ჩინარის“ 40 წლის იუბილესადმი მიძღვნილი საღამო გაიმართა.

ღონისძიებას ადგილობრივი ხელისუფლების წარმომადგენლები და მოწვეული სტუმრები ესწრებოდნენ.

ხელოვნების დამსახურებულ მუშაკს, ადგილობრივი და საერთაშორისო ფესტივალების ლაურეატს, ღირსების ორდენის კავალერს, საპატიო გარეჯელს **ნელი ბულიბაშვილს** და ანსამბლის წევრებს მუნიციპალიტეტის მერმა **აშთანდილ ბულიბაშვილმა** სიმბოლური სანუქრები გადასცა და გაწვეული საქმიანობისთვის მადლობა გადაუხადა.

ქალთა ანსამბლს მონაწილეობა აქვს მიღებული მსოფლიოს სხვადასხვა მუსიკალურ ფესტივალებში. 1991 წელს დაჯილდოვდა ვერცხლის ღირითა და დიპლომით. 1996 წლიდან მიენიჭა „სახალხო ანსამბლის“ წოდება და დღემდე აქტიურად აგრძელებს მოღვაწეობას.



## „მზიანი საქართველო 2023“

**28 ოქტომბერს** ტრადიციულ ფოლკლორულ ფესტივალს - „მზიანი საქართველო 2023“ საგარეჯოში უმასპინძლა.

ფესტივალში მონაწილეობდნენ: თბილისის, საგარეჯოს, ბათუმის, ხაშურის, მცხეთის, წაღვერის და ახმეტის საბავშვო ფოლკლორული ანსამბლები.

საკონცერტო ნომრების დაწყებამდე, საგარეჯოს ცენტრალურ მოედანზე, ფოლკლორულმა და ქორეოგრაფიულმა ანსამბლებმა, მსვლელობა მოაწყვეს და საქართველოს სახელმწიფო დროშა საზეიმო ვითარებაში გაშალეს.

ღღის ბოლოს, კულტურის სახლის დიდ დარბაზში საფესტივალო ნომრების ჩვენება მოეწყო, მონაწილე ანსამბლებმა თავიანთი რეპერტუარიდან ეროვნული ცეკვები და სიმღერები შესთავაზეს მაყურებელს.



## ღვინის ღლეუბი საბარეჯოში

**საბარეჯოს** მთავრობის ადმინისტრაციის ორგანიზებით, ღვინის ღლეუბი გაიმართა საგარეჯოში

ცენტრალური მოედნის მიმდებარე ტერიტორიაზე წარმოდგენილი იყო - მეღვინეების კუთხე, ფოტოზონები, საბავშვო გასართობი სივრცეები და კვების ზონა.

გაიმართა სხვადასხვა ასაკის სტუმარზე გათვლილი შემეცნებითი და გასართობი ღონისძიებები.




# სპორტი

## ბერძნულ რომაული ჰილბობა სამართაშორისო ტურნირი



**25-27 ნოემბერს** ქუთაისში ჩატარდა მსოფლიოს ორგზის ჩემპიონის თემურაზ აფხაზავას სახელობის საერთაშორისო ტურნირი ბერძნულ რომაულ ჰილბობაში 2007-2008 და 2009-2010 წლებში დაბადებულ მოჭიდავეებს შორის. ტურნირში საქართველოს ამ სტილის ფალანგებთან ერთად მონაწილეობდნენ სომხეთის, თურქეთის, ლიტვის, ლატვიის, ესტონეთის წარმომადგენლები, საერთო ჯამში 480 მონაწილე.



ასპარეზობაში წარმატებით გამოვიდნენ ა(ა)იპ „საგარეჯოს მუნიციპალიტეტის სპორტული გაერთიანების“ ბერძნულ-რომაული სტილის მოჭიდავეები (მწვრთნელი **თამაზ ჯიშინაძე**) და შეძლეს ორი ოქროსა და ერთი ბრინჯაოს მედლის მოპოვება. 2009-2010 წლიანთა ასაკობრივ ჯგუფში 85 კგ. წონით კატეგორიაში ჩემპიონი გახდა ბურღინელი **შოთა ტაბატაძე**. 2008-2009 წლიანებში 80 კგ. წონით კატეგორიაში უძლიერესი იყო ლევანდელი საქართველოს, ევროპისა და ბავშვთა მსოფლიო ოლიმპიური თამაშების ჩემპიონი **ლუკა მარტიავილი**, რომელმაც ჩემპიონის ტიტულისათვის ბრძოლაში საფინალო შეხვედრაში დაამარცხა სომხეთის წარმომადგენელი. სულ კი ჯამში ხუთი შეხვედრა მოიგო. ამავე ასაკობრივ ჯგუფსა და წონაში ბრინჯაოს პრიზორი გახდა თხილთაურელი **საბა ტაბატაძე**.

## ბარჯელ მკლავჭიდავთა კიდევ ერთი დიდი აღიარება



**შპს** კარგა ხანია ა(ა)იპ „საგარეჯოს მუნიციპალიტეტის სპორტული გაერთიანების“ მკლავჭიდავის სექციის (მწვრთნელ-მასწავლებელი მამუკა ბილანიშვილი) მკლავჭიდავთა სახელი შორს გაცდა ჩვენი ქვეყნის ფარგლებს და მტკიცედ დაიმკვიდრეს სახელი კონტინენტისა თუ მსოფლიოს „უძლიერესი მკლავის“ მფლობელთა შორის. სამაგალითოდ თუნდაც წლებადგენი მათი შედეგები იკმარებს, როცა ჯერ ევროპის, შემდგომ მსოფლიო პირველობიდან 8 – 8 მედალი მოიპოვეს. აქედან „ევროპაზე“ მათ 5 ოქრო; ევროპაში, აღმატებაში ჩატარებული მსოფლიო ჩემპიონატებიდან კი 2 ოქროს მედალი დაიმსახურეს. ეს მედელები 23 წლამდელებში + 90 კგ-ში მოასპარეზე **ბარჯი საბინაშვილი** მოიპოვა, რომელიც ჩემპიონი ორივე მკლავის გადაწყვეტაში გახდა. აქვე, 90 კგ. წონით კატეგორიაში ბრინჯაოს პრიზორი მისი ძმა **ოთარ საბინაშვილი** გახდა. გარდა +90 კგ. წონით კატეგორიაში ჩემპიონის წოდების მოპოვებისა, ბარჯი საბინაშვილი მონაწილეობდა 100 კგ. წონით კატეგორიაში და შეძლო მარცხენა ხელში ბრინჯაოს მედლის მოპოვება.

ამავე ჩემპიონატზე 15 წლამდელებში +70 კგ. წონით კატეგორიაში ორივე მკლავში ვერცხლის მედალი მოიპოვა **ბარჯი დიმიტრაშვილი**. **ბიორბი დიმიტრაშვილი** მარჯვენა მკლავში მესამე ადგილი დაიკავა 70 კგ. წონით კატეგორიაში. 75 კგ. წონაში ვერცხლის მედალი მოიპოვა **ბიორბი დიმიტრაშვილი**.

სწორედ ეს და ევროპის ჩემპიონატზე მიღწეული წარმატებები გახდა იმის საფუძველი, რომ ნოემბერში მკლავჭიდავის საერთაშორისო ორგანიზაციის „ARM FIGHT FACTORY-ის“ მიწვევით მამუკა ბილანიშვილი და ძმები **ოთარ და ბარჯი საბინაშვილები** 10 დღიანი ვიზიტით მიწვეულნი იყვნენ ორდანიში იქაურ მკლავჭიდავებთან ტრენინგების ჩასატარებლად, რასაც მათ წარმატებით გაართვეს თავი და კმაყოფილნი დაუბრუნდნენ საგარეჯოს. დაგეგმიანებში, ეს მათი კიდევ ერთი დიდი აღიარებაა.

წარმატებები ჩვენს მკლავჭიდავებს ამ ახალ „ამალუშიც“ დამდეგ 2024 წელს.



ბიორბი დიმიტრაშვილი

## ორი ვერცხლი წლის ბოლო ასპარეზობიდან

**თბილისში**, ოლიმპიური რეხურების მომზადების ცენტრში სამ დღეს - 3 - 4 - 5 დეკემბერს მიმდინარეობდა მსოფლიო ჩემპიონის მიხეილ სალაძის სახელობის საერთაშორისო ტურნირი ბერძნულ-რომაულ ჰილბობაში. ეს იყო ამ ჰილბობაში წლის ბოლო შეჯიბრება, სადაც ქართველებთან ერთად თავიანთ ძალებს სომხეთისა და საბერძნეთის ნაკრები გუნდების წარმომადგენლებიც სცდიდნენ. ასპარეზობაში სხვებთან ერთად მონაწილეობდნენ საგარეჯოს მუნიციპალიტეტის სპორტული გაერთიანების ფალანგებიც. მათგან 2008-2009 წლიანთა ასაკობრივ ჯგუფში მეორე ადგილი დაიკავა და ვერცხლის მედალის მფლობელი გახდა 61 კგ. წონით კატეგორიაში მოასპარეზე **ლუკა თეოდორაშვილი**.

საინტერესო და დაბაბული გამოდგა 80 კგ.

## თავისუფალი ჰილბობა

### ოთხი ოქრო, ერთი ვერცხლი და სამი ბრინჯაო გაუტოვნიდან



**25 ნოემბერს** სოფელ ვაშლოვანში ჩატარდა იქაური ფალანგის, თაზო ზაუტაშვილის ხსოვნის რესპუბლიკური ტურნირი თავისუფალ ჰილბობაში 2009-2010 და 2011-2012 წლებში დაბადებულ მოჭიდავეთა შორის. ასპარეზობაში მასპინძელი მარნეულის მუნიციპალიტეტის მოჭიდავეებთან ერთად მონაწილეობდნენ გარდაბნის, რუსთავის, თბილისის, ყვარლის და სხვა მუნიციპალიტეტების სპორტული გაერთიანებების აღსაზრდელები, მათ შორის ა(ა)იპ „საგარეჯოს სპორტული გაერთიანების“ მანავის (მწვრთნელ-მასწავლებელი **ტარიელ როსტომაშვილი**), საგარეჯოს (მწვრთნელ-მასწავლებელი) **დათო ბაბუნიაძე**, **რამაზ ასაბაშვილი**) და ნინოწმინდის (მწვრთნელ-მასწავლებელი **რამაზ ასაბაშვილი**, **ბიორბი საბინაშვილი**) თავისუფალი სტილის ჰილბობის სექციების 12 ფალანგით დაკომპლექტებული გუნდი.

როგორც სხვა ანალოგიურ შეჯიბრებებში, ჩვენებურმა მოჭიდავეებმა არც ვაშლოვანში შეირცხვინეს თავი და **ოთხი ოქროს ერთი ვერცხლისა და სამი ბრინჯაოს მედლით** დაკვიბრდნენ საგარეჯოსში. ტურნირის ჩემპიონები თავიანთი ასაკობრივი ჯგუფების მიხედვით გახდნენ **შაბაძე კუჭუჭაშვილი** (35 კგ. საგარეჯო), **ბიორბი თვლითაძე** (48 კგ. საგარეჯო), **ბიორბი თინათაძე** (57 კგ. ნინოწმინდა) და **ბიორბი როსტომაშვილი** (48 კგ. ნინოწმინდა).

ვერცხლის მედალი 52 კგ. წონით კატეგორიაში მოიპოვა **ბელა თვლითაძე** (საგარეჯო). ბრინჯაოს პრიზორები გახდნენ **საბა დიმიტრაშვილი** (48 კგ. საგარეჯო), **ბეძა ნიჭიანიშვილი** (48 კგ. საგარეჯო) და **ზაზა საბაშვილი** (42 კგ. მანავი). აღსანიშნავია ის, რომ ეს უკანასკნელი სულ კვებს თვემდე ვარჯიშობს მანავის სექციაში და ასეთი დონის შეჯიბრებაში მონაწილეობისას ასეთ შედეგს მიაღწევდა.

წარმატებული ასპარეზობები ჩვენს მოჭიდავეებს დამდეგ 2024 წელს.

## პიულა

**ასპარეზობდნენ საგარეჯოელი პიულოსტები**  
**9-10 დეკემბერს** ქუთაისში ჩატარდა ცნობილი ქართველი ფალანგების აკაკი კობორაძისა და დავით ხახუაძის სახელობის საერთაშორისო ტურნირი ძიულდობაში, 2007-2008 წლებში დაბადებულ მოჭიდავეთა შორის, ტურნირში ქართველ ძიულდობებთან ერთად მონაწილეობდნენ თურქეთის, აზერბაიჯანისა და სომხეთის ამ სტილის მოჭიდავეები, მათ შორის ა(ა)იპ „საგარეჯოს სპორტული გაერთიანების“ წარმომადგენლები.

ტურნირზე 55 კგ. წონით კატეგორიაში „გარეჯელი ფინალი“ გათამაშდა, სადაც ერთმანეთს ორი ლუკა, ლუკა კანჯარაშვილი და ლუკა დარისპანაშვილი დაუპირისპირდნენ. ამ ორთაბრძოლაში იმარჯვა და ჩემპიონის ტიტული მოიპოვა ლუკა კანჯარაშვილი, ლუკა დარისპანაშვილი კი მეორე საპრიზო ადგილს დასჯერდა.

საგარეჯოელები ასევე ასახელა და ტურნირის ჩემპიონი 60 კგ. წონის კატეგორიაში გახდა ვახო ჭიბერაშვილი. ტურნირის ბრინჯაოს პრიზორები გახდნენ დადო მანუჩიძე (73 კგ.) და გიორგი ნაცვლიშვილი (81 კგ.).

## ბათუმი საპროფესიონალიზაციო ჩემპიონატი

**ამ** დღეებში ბათუმში ჩატარდა საქართველოს ჩემპიონატი თავისუფალ ჰილბობაში დიდების ასაკში, რომელშიც 79 კგ. წონით კატეგორიაში მონაწილეობას იღებდა ჩვენებური ფალანგის **შირვან თვლითაძე**. გარეჯელმა მოჭიდავემ წარმატებით გაიკავა გზა ნახევარფინალურ შეხვედრამდე, მაგრამ ვერაფერი გააწყო მსოფლიოს ჩემპიონ კენჭაძესთან და საბოლოოდ მესამე საპრიზო ადგილით დაემშვიდობა ბათუმის ტაბაში. ამ შედეგით ქვლივიძე შევანილია საქართველოს ნაკრების შემადგენლობაში.

ბიორბი დიმიტრაშვილი

## ფეხბურთი უმაღლესი ლიგაში გადასვლა მომავალი წლისთვის გადაიდო

**საბარჯოელს** საფეხბურთო ჩემპიონატი (Crystalbet-ეროვნული ლიგა-2) მეორე დივიზიონში წლებს სიურპრიზებით დატვირთული აღმოჩნდა. ჩემპიონატის პირველი ნახევარი ჩვენი გუნდის – „გარეჯი-1960“-ის დომინირებით წარმართა. გარეჯის გუნდი თითქმის უდანაკარგოდ ასპარეზობდა და უახლოს მტრებს ქულების სოლიდური სხვაობით ასწრებდა და ზაფხულში შეხვედრებში ლიგაში არ ჩანდა გუნდი, რომელიც მას უმაღლეს დივიზიონში გადასვლაში შეეცდებოდა, მაგრამ... შემდეგ ბორბალი უკუდგა დატვირთვით, გახშირდა მარცხები და ფინალში ორი ტურით ადრე გარეჯმა ლიგისთვის დაკარგა ისე მოხდა, რომ ბოლო ტურში გარეჯის გუნდი საკუთარ მოედანზე უშუალო მტრებს, ტიტულთან და დიდი ისტორიის მქონე კლუბს – „კოლხეთი-1913“-ს ხვდებოდნენ, რომელიც მათ 1 ქულით უსწრებდა. აქედან გამომდინარე, გარეჯელებს მხოლოდ მოგება აძლევდათ ხელს. გულშემატკივარმა კარგად იცის ამ მატჩის პერიპეტეიები, ამიტომ მასზე ბევრს აღარ ვილაპარაკებთ. მხოლოდ შეგახსენებთ, რომ მატჩი ორჯერ დასრულდა 1:1, რაც ფოთელებს აწყობდათ და ისინი პირდაპირ გადავიდნენ უმაღლეს ლიგაში.

გარეჯელებს ჰქონდათ კიდევ ერთი შანსი – ეროვნული ლიგა-1-ის ბოლო ადგილისათვის დაემარცხებინათ პლეი-ოფში და ისე მიეღწიათ საწინააღმდეგო ოცნებისათვის, მაგრამ არც აქ გაუმართლათ – სტუმრად 1:4 დამარცხდნენ სამტრედიოში და თითქმის უიმედო მდგომარეობაში აღმოჩნდნენ, მაგრამ საკუთარ მოედანზე საპასუხო მატჩში მაინც შეუძლონ იბრძოლეს, მტრებს დაამარცხეს, მაგრამ მხოლოდ 3:1-ზე და უმაღლეს ლიგას ვერ შესწვდნენ, თუმცა ასე ახლოს იყვნენ მასთან. ასეთ დროს ძირითადად გამოუცდლობას აბრალებენ ხოლმე, თუმცა ჩვენ გვინდა ამას უიღბლობაც დავამატოთ, რაც სპორტში საკმაოდ მნიშვნელოვანი ფაქტორია.

ამის მიუხედავად უნდა შევაქოთ გუნდის ხელმძღვანელობა, მწვრთნელები და ფეხბურთელები, რომელთაც არნახულ სიმძლავრე აიყვანეს გარეჯის ფეხბურთი და გულშემატკივრებს არაერთი სიხარული მიანიჭეს. იმედი გვაქვს გარეჯელები გულს არ გაიტყვენ და მომავალ წელს აისრულდნენ საწინააღმდეგო საპროფესიონალის ყველაზე პრესტიჟული ლიგის წევრები.

წარმატებები ვუსურვოთ მათ.

სურაბ აბულაშვილი

## ბორჯი, ანსორ ქობულაშვილის მეორეაღს ერთი და ისინი ჩემპიონი

**ბ. ბორჯი** ჩატარდა წარმოშობით ახმეტელი ძიულდობის, ყოფილი სსრკ, ევროპის და სხვა საერთაშორისო ასპარეზობათა ჩემპიონისა და პრიზორის, საერთაშორისო კატეგორიის მსაჯის ანსორ ქობულაშვილის მემორიალურ ტურნირი ძიულდობაში, 2008-2009 წლებში დაბადებულ ძიულდობის სტილის შორის. ამ ასპარეზობაში ჩვენი მუნიციპალიტეტის „სპორტგაერთიანების“ ერთი სპორტსმენი – **მანუჩი (მანუ) ჰინაბაშვილი** იღებდა მონაწილეობას და არავის დაუთმო ჩემპიონის ტიტული და შესაბამისი ოქროს მედალი 60 კგ. წონით კატეგორიაში. ჩვენებური ძიულდობის ეს წარმატება მით უფრო საამაყოა, რომ ხანგრძლივი ტრავმის შემდგომ შეძლო საქართველოს 2008-2009 წლებში დაბადებულ ძიულდობის საუკეთესო ორბრძოლელში შესვლა და ამ შედეგის მიღწევა.

## ნიკა ბილწვილისა და ვანო ოთიაშვილის ხსოვნის ტურნირი საგარეჯოში

**საბარჯოს** არსენ მეკოკიშვილის სახელობის სპორტკომპლექსის ტაბაში ჩატარდა საგარეჯოელი ახალგაზრდა მოჭიდავეების **ნიკა ბილწვილისა და ვანო ოთიაშვილის** ხსოვნისადმი მიძღვნილი ტრადიციული რესპუბლიკური ტურნირი ძიულდობაში 2011-2012 წლებში დაბადებულ ძიულდობის სტილის შორის. ასპარეზობაში კახეთის რეგიონის ფალანგებთან ერთად მონაწილეობდნენ თბილისისა და ქართლის სპორტული საზოგადოებების აღსაზრდელები. ა(ა)იპ „საგარეჯოს“ მუნიციპალიტეტის სპორტული გაერთიანებიდან – ასპარეზობის ჩემპიონები გახდნენ **საბა საჩხარაშვილი** (21 კგ.) და **ალექო ბუთიაშვილი** (45 კგ.).

მეორე საპრიზო ადგილები დაიკავეს **მათე მათიაშვილი** (50 კგ.) და **ლუკა ანაბაშვილი** (+60 კგ.), მესამე საპრიზო ადგილზე გავიდა **ბიორბი შათირაშვილი** (40 კგ.). ასპარეზობის დასასრულს საპრიზო ადგილებზე გასული საგარეჯოელი და სხვა ფალანგები დაჯილდოვდნენ თავებით (1 ადგილი სხვები) შესაბამისი მედელობითა სივლეებით. ასპარეზობას ესწრებოდა და გამარჯვებული სპორტსმენების დაჯილდოებაში მონაწილეობდა **საგარეჯოს მუნიციპალიტეტის მერი აშოტაშვილი ბუღიაშვილი**.

### მილოცვა

მინდა გახეთქის საშუალებით მივულოცო დამდეგი ახალი წელი და შობა, ვუსურვო ახალ-ახალი წარმატებები საგარეჯოს მუნიციპალიტეტის მერს **ამთაბერილ ბულიკაშვილს**, მის მოადგილეს **ბიორბი ლალიაშვილს**, მუნიციპალიტეტის მერიის შრომის, ჯანდაცვისა და სოციალური სამსახურის უფროსს **სოფო შაქარაშვილს**, უფროს სპეციალისტს **მთემიან ბაღიაშვილს**, თითოეულ თანამშრომელს. გამოვთქვა გულწრფელი მადლიერება იმ ყურადღებისა და დახმარებისათვის, რასაც ისინი იწევენ ჩვენი რაიონის მოსახლეობის ჯანმრთელობის დაცვის სახით. ყველასთვის ცნობილია, რა დიდი მნიშვნელობა ენიჭება გულსისხლძარღვთა დაავადებების მქონე პაციენტებისადმი დროულად გამოჩენილ დახმარებას - მათთვის სასიცოცხლო მედიკამენტების შექენისა და ქირურგიული ოპერაციის ოპერატორულად ჩატარების აუცილებლობას. სწორედ მერი და მისი მოადგილე, სოფო შაქარაშვილი, ქეთი ბეღიაშვილი და მათი სამსახურის თანამშრომლები არიან ის ადამიანები, რომლებიც უდიდესი სიფაქიზით, ყურადღებით ეპყრობიან თითოეული მოქალაქის ჯანმრთელობას, დროულად აწესრიგებენ სახელმწიფო სამედიცინო დახმარების პროგრამით გათვალისწინებულ დოკუმენტებს და მიზანმიმართულ მსვლელობას აძლევენ ავადმყოფისათვის სახელმწიფო პროგრამით გათვალისწინებული დახმარებების ხორცშესხმას.

მრავალ ახალ წელს!  
დაგებდებოდეთ სიხარული და ბედნიერება!  
*მანია ანუაშვილი*  
*ექიმი კარდიოლოგი*

**პატარა** მარიამის დაბადებას ვულოცავთ საგარეჯოს **მუნიციპალიტეტის მერიის საფინანსო-საბიუჯეტო სამსახურის ბუღალტრული აღრიცხვისა და სახაზინო საქმიანობის განყოფილების უფროსს ხათუნა შორღანაშვილს** და მის მეუღლეს **მალხაზ შაქარაშვილს!**



ბედნიერი მომავალი პატარა გოგონას!  
*გაზუთი „გარეჯის მაცნეს“ რედაქცია*

## ქართული ქორეობრაფიის ბარეჯელი ამაბლარი და ღუსკანი

### იუბილე



**მსახიობი**, მოცეკვავე, ქორეოგრაფი, ქორეოგრაფიული კოსტუმების შემქმნელი და დიზაინერი, გარეჯული კულტურის უღალატო და დღევანდელი მსახური, სამაგალითო და კოლორიტი გარეჯელი - ასეთად იცნობენ და აფასებენ საგარეჯოელები საგარეჯოს კულტურის სახლის დამსახურებულ მენეჯერს **ქნ თინათინ მუხრანაშვილს**,

ადამიანს, რომელიც აგერ უკვე თითქმის 6 ათეული წელია მუხლანაურებად გარეჯული კულტურის სადარაჯოზე ღვას და ასეთივე შემართებით ემსახურება იმ დიდ და საშვილიშვილო საქმეს, რასაც საგარეჯოსა და მუნიციპალიტეტის მთელი რიგი სოფლების მომავალი თაობების უნიკალური, ქართული ქორეოგრაფიული საიდუმლოებების სწავლება ჰქვია.

თავად იგი ქართულ ცეკვას საგარეჯოში კარგად ცნობილმა ქორეოგრაფმა ჯემალ მღებრიშვილმა აზიარა და 9-10 წლის ასაკში საგარეჯოს კულტურის სახლთან არსებულ ქორეოგრაფიულ ანსამბლში დაუმკვიდრა ადგილი. 15 წლისამ კი საგარეჯოს სახალხო თეატრის სცენაზე რეჟისორ ვახტანგ ფურცელაძის სპექტაკლში „4 სიცოცხლე“ ტელეგრაფისტი გოგონას როლი შეასრულა და თანაც ისეთი გამოჩენილი გარეჯული მსახიობების გვერდით, როგორებიც შოთა ბაზუაშვილი, ნანული ბილანიშვილი, ქიტა ბუზიაშვილი, ეთერ თედიაშვილი და სხვები გახლდნენ. ცეკვასთან ერთად ეს მისთვის იყო ცხოვრების დიდი გაკეთილი, რაც შემდგომში მას არაერთხელ გამოადგა და გამოუყენებია. უპირველესი და მთავარი მის ცხოვრებაში ქართული ცეკვა გახლდათ, რომლისადმი ერთგულება და სიყვარული არც ახლა, 70 წლის ასაკში განელებია. საგარეჯოში და ალბათ საქართველოშიც თითებზე ჩამოსათვლელია მოცეკვავეები, ვისაც მასავით ამდენი წელი სცენაზე გაეტარებინოს. ასაკოვან გარეჯელებს ახლაც კარგად გვახსოვს მის მიერ საგარეჯოს ცეკვისა და სიმღერის ანსამბლ „გარეჯში“ შესრულებული სოლო ცეკვები. განსაკუთრებით კი „აჭარული“, რომელიც მისი და ამ ანსამბლის სავიზიტო ბარათი გახლდათ და რომლის შესრულებასაც მაყურებელი სულმოუთქმელად ელოდა.

მისი, როგორც მოცეკვავის კარიერაში, თქვით ასობით არის ჩაწერილი „გარეჯის“ საზღვარგარეთული გასტროლები რუმინეთის, ბულგარეთის, პოლონეთის, იუგოსლავიის, ყოფილი სსრკ ქვეყნების და მათი დედაქალაქების სცენებზე. მისი უდავოდ დიდი წვლილიცაა იმ ქება-დიდებასა და ჯილდოებში, რაც იმ დროის ანსამბლს აქვს მოპოვებული. პარალელურად ჰქონდა სახასიათო როლები საგარეჯოს სახალხო თეატრის სცენაზე.

ცეკვისა და სამსახიობო მოღვაწეობისათვის არც გასული საუკუნის 90-იან წლებში მიუწეებია თავი. მაშინ, როცა სხვები თვითგადარჩენისა და ლუკმაპურის მოპოვებისათვის იბრძოდნენ და გადავიწყებული ჰქონდათ ყველაფერი, საკუთარი

რეჟისურით დადგა ორი სპექტაკლი - „დავით-ანბული ბედნიერება“ და „რეპეტიცია, ანუ ტრაგედიის დასაწყისი“.

ჩვენი ასრით, ყველაზე დიდი საქმე, რასაც მან აქტიური სასცენო მოღვაწეობის შემდეგ მოჰკიდა ხელი და 2000 წლის შემდეგ დღევანდლამდე ახორციელებს, ის ქორეოგრაფიული მოღვაწეობაა, რასაც იგი საგარეჯოსა და მუნიციპალიტეტის სოფლების მოზარდი თაობებისათვის ქართული ცეკვების სწავლების სათვის ეწევა. ამ მამულიშვილი საქმიანობის ერთგვარი გვირგვინია მის მიერ შექმნილი ანსამბლი „იმედი“, რომელმაც ნათლად წარმოაჩინა მისი ამ კუთხით წარმოებული მუშაობა. ნინოწმინდელი, საგარეჯოელი და მანაველი ბავშვებით დაკომპლექტებულმა ანსამბლმა დაარსებიდან სულ მცირე დროში, 2003 წელს მონაწილეობა მიიღო ბათუმის ბავშვთა ფოლკლორულ ფესტივალში, სადაც პირველი ადგილი და ლაურეატის წოდება მოიპოვა. მომდევნო - 2004, 2005, 2006, 2008 წლებში „იმედი“ თურქეთში გამართული ბაიბურთის სახელობის დიდი საერთაშორისო ფესტივალის გრან-პრის მფლობელი ხდება. ყველაფერთან ერთად, ასე განსაჯეთ, ქორეოგრაფიული კოსტუმებიც კი ამ ყოველმხრივი ნიჭით დაჯილდოებული ქალბატონის მოფიქრებული და შექმნილი იყო. როგორც მან ჩვენთან საუბარშიც აღნიშნა, ყველაფერთან ერთად, ეს საქმე და დიზაინერობაც კარგად გამოსდის და სხვადასხვა დროს თავისი აღსაზრდელებისათვის ქართული ცეკვებისათვის 1000-ზე მეტი კოსტუმი აქვს შექმნილი.

გარეჯული და ქართული კულტურის წინაშე პირნათელი, ღირსების მედლის კავალერი, ქართული ქორეოგრაფიის ამბადარი და „ქართული ქორეოგრაფიის დესპანის“ საპატიო წოდებების მფლობელი ქორეოგრაფი სადღესოდ ქართულ ქორეოგრაფიასთან უდაბნოელ მოზარდებს უწევს დესპანობას, დაუზარელად და უშურველად გადასცემს ათეული წლების მანძილზე დაგროვილ თავის დიდ ცოდნას, რის შედეგადაც „იმედმა, - ასე ჰქვია ამ ანსამბლს, ორჯერ ხედიხედ მოიპოვა ლაურეატის წოდება. ამ და სხვა დამსახურებისათვის მას, როგორც საგარეჯოს კულტურის სახლის მენეჯერს, აგვისტოში საგარეჯოს მუნიციპალიტეტის მერიამ გადაუხადა **დაბადებიდან 70 და სასცენო მოღვაწეობის 55 წლის იუბილე**. ითქვა მრავალი მოსაფერებელი სიტყვა მისი მისამართით.

მოდის ახალი წელი, ახალი გეგმებითა და ახალი იმედებით. ბედნიერ შობა-ახალ წელს, წინსვლასა და ახალ წარმატებებს ვუსურვებთ გარეჯული კულტურის მოამაგე და ამბადარ, 6 შვილიშვილის ბედნიერ ბებიას.

*ბიზი ლაპახიშვილი*



## ღავით ტიბინაშვილის შემოქმედებითი საღამო

**ღეკემბრის** ღამაზე დღეს კულტურის სახლის მცირე დარბაზში, ცნობილი ქართველი საგარეჯოელი პოეტის-**ღავით ტიბინაშვილის** შემოქმედებითი საღამო გაიმართა, რომელიც მისი დაბადებიდან 70-ე წლისთავს მიეძღვნა. საღამოს ადგილობრივი ხელისუფლების, საქართველოს მწერალთა შემოქმედებითი კავშირის წარმომადგენლები, პოეტები, მწერლები, მისი ოჯახის წევრები, მეგობრები და სხვა მოწვეული სტუმრები ესწრებოდნენ.

საქართველოს მწერალთა შემოქმედებითი კავშირის მიერ ღავით ტიბინაშვილს დაბადებიდან 70-ე წლისთავთან დაკავშირებით, თვალსაჩინო პოეტური და საზოგადოებრივი საქმიანობისთვის **„ილია ჭავჭავაძის სახელობის**



**პრემია**“ მიენიჭა და **ოქროს იმედი ბაღაძე**. ხოლო, საგარეჯოს მუნიციპალიტეტის მერიისა და ა(ა) იპ კულტურის ობიექტების გაერთიანების მიერ პოეტი მუნიციპალიტეტის კულტურულ ცხოვრებაში შეტანილი მნიშვნელოვანი წვლილისთვის **მადლობის ფურცელით** დაჯილდოვდა და **სიმბოლური საჩუქარი** გადაეცა.



რედაქტორი: **თინათინ ილაური**

„გარეჯის მაცნეს“ გამომცემელი შპს „გარეჯის მაცნე“  
 გახეთი რეგისტრირებულია სსიპ „საჯარო რეესტრში“ სარეგისტრაციო ნომერი 281366; საიდ-  
 ენტ. კოდი 438107460. ტირაჟი - 300  
 რედაქციის მისამართი: ქ. საგარეჯო,  
 დ. აღმაშენებლის ქ. № 15,  
 გახეთი აიწყო და დაკაბადონდა შ.პ.ს. „გარეჯის მაცნე“-ში  
 დაიბეჭდა თბილისში, გამომცემლობა შპს „კოლორ პრეს“-ში.  
 ტელეფონი: 599 851 143  
 ელ. ფოსტა: garejismacne11@gmail.com